

حديث المعرفة المقطع الثاني: من الدقيقة 15 للدقيقة

بقول تصلوا ع النبي صلى الله عليه وسلم لما تنصح حبيبك بتصفيلوا النصيحة، بتخلصوا النصيحة عشان كده لما بلاقى نصيحة من سيدنا النبي صلى الله عليه وسلم لمثلا سيدنا أبو بكر بشبط فيها أيوه مثلا ايه؟ **حديث سيدنا أبوبكر يا رسول الله علمني دعاء أدعو به في سجودي** ومن حوالى سنة 95 يطلعوا كم سنة دول ؟ آه من 16 17 18 سنة عملت مشكلة مع الواد عمر طنطا فى الحديث دا قاللى لا الحديث دا مافيهشى فى سجودى وأنا قتلته لا فيه فى سجودى وبعد سنتين تلاته جه قاللى فعلا فيه فى سجودى فأنا حقولك حاجة وأنت أكتشفها بعد سنتين تلاتة إن شاء الله . قال سيدنا ابو بكر رضى الله عنه قال (يا رسول الله علمني دعاء أدعو به في سجودي) فقال قل (رب إني ظلمت نفسي ظلما كثيرا ولا يغفر الذنوب إلا أنت فاغفر لى مغفرتا من عندك وارحمنى) لما سيدنا النبي يعلم سيدنا أبو بكر حاجة زى دى يبقى الحاجة دى إيه ؟ قولوا (خصوصى) الحاجة دية خصوصى . تدفع كام ؟ صلى الله عليه وسلم قال يا رسول الله علمني دعاء أدعو به فى سجودى قال " قل رب إني ظلمت نفسي ظلما كثيرا ولا يغفر الذنوب إلا أنت فاغفر لى مغفرتا من عندك وارحمنى إنك أنت الغفور الرحيم" صحيح البخارى الحديث دا أنا بأقصد إيه خيلنا فى حديث ...

أنتو مستعجلين النهاردة؟ ما أنت كل مرة تقول كدة وتختتم بعد ساعة برضو . الشاهد ايه بس اصبروا معايا الليلة دى اللهم صلى على محمد صلى الله عليه وسلم لما لقيت حديث بقى ،لما ألقى سيدنا النبي (صلّ عليه) صلى الله عليه وسلم بيوصى السيدة عائشة مثلا (رضى الله عنها)حبيته، أشبط أنا فى الحته دى لما ألقى بيوصى معاذ : أيوه . (حباييه بقى) لأن الرسول صلى الله عليه وسلم لما يكون حد بيحبه بيخصه بشىء، الشاهد اتعلمنا بقى من سيدنا النبي : صلّ عليه إن أنا أقولك ياعم وحيد كيف حالك مع الله لأن سيدنا النبي لما شاف معاذ قاللو إيه : آه ،كيف أصبحت يا معاذ . لما شاف حارثة قاللو كيف أصبحت يا حارثة الرسول كان يوقف وسط الصحابة الصبح بعد صلاة الصبح من تصدق اليوم بصدقة ؟ من عاد اليوم مريضا ؟ من شيع اليوم جنازة ؟ من منكم أصبح اليوم صائما؟تفقد هذه الأحوال عايزين الربانيين يتعلموها . بدل ما تقول له إديك؟ إزاي صحتك ،عامل إيه ؟أخبارالشغل ؟ الواد فلان عامل إيه؟ مراتك عملت إيه معاك دلوقتى ، طلقته ولا لسة؟ابنك عمل إيه؟ المريض عمل إيه؟ قبل كل دا ، قل كل دا بس قبل منه تقل له

كيف حالك مع الله ؟ أخبرك مع ربنا إيه؟عامل إيه اليومين دول مع ربنا يا حج فتحى؟نص ونص ،ريع وريع ؟
اللهم أصلحنا لكى نصلح أن نكون من عبادك الصالحين. كيف أصبحت يا معاذ ؟ قال أصبحت بالله عز وجل
مؤمنًا . الحمد لله على نعمة الإيمان . العلماء اتكلموا فى مسألة هل يقول الإنسان أنا مؤمن؟وأجاب العلماء
أجوبة كثيرة لا أريد أن أدخلكم فى مشاكل الخلافات ولكن ببساطة قالوا الأفضل أن يقول أنا مؤمن إن شاء
الله. الأحناف طبعاً عملولنا مشكلة فى كلمة إن شاء الله لأنه لا يجوز الاستثناء فى الإيمان ،لأن الإيمان لا
يقوم على الشك. وأنا ما بقولش إن شاء الله إستثناء ، أنا بقول إن شاء الله تحقيقاً لا تعليقاً . حفظت الجملة
دى؟ تحقيقاً لا تعليقاً دى كلمة إتعلمناها من سيدنا شيخ الإسلام ابن تيمية رحمه الله لما كان يقول
سننتصر اليوم يقولون قل إن شاء الله يقول إن شاء الله تحقيقاً لا تعليقاً حننتصر يعنى حننتصر طب قل إن
شاء الله حاضر إن شاء الله . بس إن شاء الله مش بتاعت السنية (لما تقولوا إنت جاي يقولك إن شاء الله
جاي. (يبقى مش جاي ههههه). يا شيخ إنت ما بتحشش إن شاء الله ؟،أنا بحب إن شاء الله بتاع ربنا مش
بتاعت المخادعين الكذابين اللى يقصد بإن شاء الله (إنه مش هيعمل) وإذا ما جاش يقولك أنا قولت إن شاء
الله هتكفر بقى ههه

لأ إن شاء الله تحقيقاً لا تعليقاً جبتوها منين دى ؟ قال الله " **لَتَدْخُلَنَّ الْمَسْجِدَ الْحَرَامَ إِنْ شَاءَ اللَّهُ آمِنِينَ** " **الفتح : ٢٧** دخلوا؟ بس يبقى ربنا مقالش إن شاء الله استثناء وإنما يقال إن شاء الله إيه؟ تحقيق،تحقيق،
تحقيقاً لا تعليقاً. الشاهد إيه إن لما تسأل كيف أصبحت ؟ تقول إيه ؟ مؤمن إن شاء الله. ليه ؟ لأنى خايف
عليك من النفاق آه قل أنا مؤمن إن شاء ولذلك حذر سيدنا عمر بن الخطاب من أن تقول أنا مؤمن قال (**من قال أنا مؤمن فهو منافق ، ومن قال أنا صادق فهو كاذب**) عشان كده الكذابين دايماً يقولك إيه :
صدقنى صدقنى .إذا رأيت الرجل كثيراً ما يقول صدقنى على فكرة أنا بكلمك بصدق أنا صادق أنا ما
بكذبش . يبقى كذاب الصادق ما يقولش كده المؤمن إذا قال صدق وإذا قيل صدق. الشاهد: كيف
أصبحت يا معاذ ؟ قال مؤمناً بالله. قال بالله عز وجل مؤمناً قال إن لكل قول مصداقاً ولكل حق حقيقة . هى
بالكلام هى بالأونطة ،أنت رباني ؟ آه من الربانيين. إيه دليلك ورينى كده جاي بجلاية بنى أهو ههههه،
هى بالجلاليب ؟ لأ بالقلوب : اللهم أصلح قلوبنا . قال عبدالله بن مسعود لا يشبه الزى الزى حتى يشبه

القلب القلب . اللي لابس أميركاني يبقى اللهم استرنا اللهم استرنا قلتكم القصة دى برضو...).

معلىش الدرس خليه الليلة دى فى الخفايف ماشى)إن زمان وانا صغير كدة روحت ألعب تنس عارفين التنس؟

انا كنت لابس ترنج ازرق فقال لأ اللي عايز يلعب تنس يلبس تنس قولت له يعنى ايه يلبس تنس قال فانيلا بيضاء وشورت أبيض ، قلت له إن شاء الله أنا مش حألعب تنس ههههههه. الشاهد إيه اللي عايز يشتغل دين يلبس دين ؟إلبس زى ما ربنا أراد (خُذُوا زِينَتَكُمْ عِنْدَ كُلِّ مَسْجِدٍ) الأعراف : ٣١ قلت ربنا ما قلناش بقى بنطلون وقميص .الله هو ربنا قالك صليها أربع ركعات ، ربنا قال أقيموا الصلاة جبت أربع ركعات دى منين ؟

من سيدنا النبى . برضو زى ما شوفته هو صلاة إزاي شوف لبس إزاي : ما تصلى عليه (صلى الله عليه وسلم صلى الله عليه وسلم صلى الله عليه وآله وصحبه وسلم)عمر سيدنا النبى صلى من غير طاقية؟ماحصلش قط أبدا لم يرى رسول الله حاسر الرأس قط أبدا أبدا ماحصلش اتحداك هات لى حديث قال رأيت رسول الله حاسر الرأس إلا فى إحرام بعمره أو حج ما حصلش لذلك يقول إن الحاجات دى ما هيش من ال.....يقولك دى قشور يا أخى دا انت بتتكلم فى فروع فروع الفروع قلت له إذا كان فعل سيدنا النبى فروع فروع الفروع أنا بحبه بعله هديه مش قتلوكوا قبل كده إن الشباب النهاردة قولنالهم قصر البنطلون ياعم يقولك ما ينفعش حتبوظ شكل البدلة لما طلعلولهم برمودا الله بقت حلوة دلوقتى يعنى تقصير البنطلون لما طلعلولهم الجديد اسمه إيه..... بنتكول ههههههههه الله طب ما سيدنا النبى يقولك قصر من الأول اشמעنا دلوقتى لما جاتلك من أميركا بقت حلوة سبحان الله دا حتى انت ورا سيدنا النبى بتقصّر وتدخل الجنة دى بتشبه وتدخل جهنم من تشبه يقوم فهو منهم

عنوان آداب البواطن ، وحركات الجوارح ثمرات الخواطر، والأعمال نتائج الأخلاق والآداب رشح المعارف
وسرائر القلوب هي مغارس الأفعال ومنابعها ، وأنوار السرائر هي التي تشرق على الظواهر فتزينها وتحليها ومن
لم يخشع قلبه لم تخشع جوارحه ومن لم يكن صدره مشكاة الأنوار الإلهية لم يفيض على ظاهره جمال
الآداب النبوية . كلام أحلى من الفل ، لو مكانش جواك نظيف مهما عملت مفيش فائدة لازم جوه (اللهم طهر
قلوبنا) جوه الأول. فلكل حق حقيقة فما مصداق ما تقول؟